

Dia cu Henny a firma e carta pa Companianan di Cement sigui bolter stof poco hende a kiek

ORANJESTAD(AAN) E asunto di den pura firma permit pa extranheronan Hindu cu Imigracion a detene, a sigui lanta stof durante dianan cu a pasa pasobra e gobierno actual a pega barco riba mas asunto di ilegalidad cu tabata tumando lugar na Aruba.

Imigracion y Cuerpo Policial en general tabata custumbra cu e gobierno di señor Eman tabata core fix permit na ultimo momento pa extranheronan cu a worde deteni y te hasta te na pia di avion, coordinadornan di ministro o ministronan mes tabata manda duna orden pa laga extranheronan bay, pasobra den pura gobierno a core fix permit di trabao y estadia pa nan.

Habitantenan di Santa Martha y vecindario cu pa añanan largo mester a biba cu e molester di stof toxico di cement y tambe di glas, a bira raso ora cu nan a tende con diripiente tabata tin tanto beheite pa cu e asunto di e Hindun cu a worde laga den libertad, mientras cu Imigracion a haci su trabao manera mester ta.

Nan a reacciona door di bisa cu tempo cu Henny Eman a core firma un carta pa e companianan na Santa Martha y vecindario cu no tabata tin ningun sorto di permit pa ta eynan sigui traha y bolter stof riba hende, ta un medio so a para firme tras di pueblo di Santa Martha y vecindario.

DIARIO tabata e unico cu a para firme y a cuestiona loke tabata pasando na Santa Martha, pero por lo resto ta poco medio di comunicacion social tabata tin e curashi pa lanta para y bringa continuamente contra e ilegalidad grandi cu tabata worde cometi contra habitantenan di Santa Martha y vecindario.

E problematica di Santa Martha a bira te hasta un asunto politico cu durante ultimo dos eleccion partidonan politico a core campaña cune y a compra hende den e bario menciona pa nan keda keto y apoya e gobierno cu tabata actua ilegalmente contra tur esnan cu tabata biba bao di stof di cement.

Habitantenan di Santa Martha y vecindario ta puntra nan mes pakico gobierno tin tanto atencion pa Parke Arikok, siendo cu rond Aruba

nan ta permiti e medio ambiente worde dañá sin limite.

Por ta asina cu na Parke Arikok tin placa pa gana y cu

tin contractnan atractivo den banda cu gobierno ta asina ansha pa pusha e proyecto di Parke Arikok?

Caminda tin fabrica di cement tin stof di cement, pero den caso di Parke Arikok e atencion exagera ta crea e im-

presion cerca pueblo cu caminda tin huma tin candela y cu pronto e berdad lo sali den publicidad.


Crocodil den Bubali Plas

ORANJESTAD(AAN) Segun informacionnan cu DIARIO a haya di bon fuente, den Bubali Plas tin un crocodil basta grandi cu algun aña atras a ser laga los eyden.

Un Arubiano cu tabata tin e animal peligroso aki na cas no tabata den e posicion mas pa sigui cria e animal cu el a haya di Australia.

Tin diferente sorto di Crocodil na mundo y no ta tur sorto di crocodil ta bira grandi y peligroso manera esnan cu ta procedente di Australia.

Riba Discovery Channel pueblo di Aruba por a wak diferente documentario encuan to crocodilnan di Australia y wak ki desastre e animalnan aki por haci cu vic-timanan cu a yega mucho



cerca di nan.

Na Australia tin un sorto di crocodil cu te hasta a adapta su mes na awa salo y ta landra den vecindario di bocanan di rieu cu ta caba den laman y

turistanan cu ta landa na cierto beachnan na Australia, ta depende di sistema di advertencia special di polis y otro organizacionnan ambiental pa cu peliger di cro-

codilnan cu por ataca nan.

E crocodil cu a ser poni den Bubali Plas actualmente mester tin un largura di mas o menos 2 meter y algun tempo pasa e crocodil a ser mira pa algun hende cu a logra di te hasta saca foto di e animal.

Ta di spera cu autoridadnan competente cuminsa haci un control grandi den Bubali Plas pa saca afor si e animal peligroso enberdad a logra di sobrevivi y a bira di un cierto grandura cu e ta forma un peliger pa e ser humano y sigur pa tur esnan cu ta landa na beach.

FAX DIARIO
28551

KROKOBU!!

